

**Nwa' wvu bokaŋ bofεε wvù Baul to  
saŋεε ê  
Timatio  
Fiεε fi nu ê Nwa' Timatio wvu  
bokaŋ bofεε wvun e**

Nwa' wvun nu wvu bokaŋ bofεε wvù Baul to saŋεε fô Timatio le. E nwa' wvun e nu ε è baay nu bontefe bò Baul nyaa ê Timatio diεwε wee wvù bò wvù lemte ε wvù fici wvù le. Wvù jemyi baay ekumε shém yì kuulεn. Wvù nu ε tefe Timatio le wvù egeñè kε fwe bò lemme diεw di wvù lemte fô Jisos Klistu le bò fitele fimwaan, bò le wvù ejicì kε n'yεyi wvu leŋ wvù wvu saaka wvù jee bò wvu ê monkan mo moyvuum e. Wvù teete ten le wvù egeè lemme diεw diεwε wee n'yεyi le bò wee wvù ghane lo fewci diεw Nyo' le ntay naa é wvù cim yene bonɣew nεε, kenεε bonyii cim kicine wvù nεε.

Baul nu ε loocε ε jeme lo ê Timatio le wvù eyenè fo wvù ke enε elese kebo fô “bombew bo keyuŋ e bo εcici le kε” (2:23). Yì mwεεm mvun e mvunciim nu ε wvù ε tamcε Timatio le wvù ejo kenfewsεn yì nce wen e.

*Bikuu bi mwεεm e ê Nwa' wvun e*

1:1-2 Keŋkεwεε

1:3-2:13 E Baul nya keyoone ê Nyo' ekumε Timatio bvuu yvuwsε fitele fiew

2:14-4:5 E Baul tefe Timatio

4:6-18 E Baul jeme ekumε ekolε kew

4:19-22 Kemεε

<sup>1</sup> Ε nu me wvù Baul, ε me nu waa ntum Klistu Jisos yî ηκοη wvù wvu Nyo' le bii ηkawma wvu εκυμε nshii wvù μεγ lo wvù nu yî Klistu Jisos e.

<sup>2</sup> Me nsaanke ηwa' wvun fô wo le Timatio waa wεm. Wo nu fitele fiem.

Nyo' Ice bô Klistu Jisos wvù Tata wesebeene ebuw wo, ecam shen fô wo le, enya wo bô nyεkeey.

*Ε Baul nya keyoone ê Nyo' εκυμε Timatio bvuu yvuwsε fitele fiem*

<sup>3</sup> Me ηké ηkumyi wo sekecii ê bunle yεm e no nyaa κε ε è nu keyoone ê Nyo' wvù me nlemte wvù le ε fiεε yaa saake me fô fitele le κε no bo'icεm to lemte. <sup>4</sup> Me ηké ηkumyi tεn misεm yî wo to shiwse seke bee wo to gawsene, ε jen no yuu me εntan bô εmvunsheen η me mbee en'yεn wo le, wvu η fitele fiem eyinςεn bô njon. <sup>5</sup> Me ηké no ηkumyi tεn mbee wo wvu κεεεy wvù wo κεηke. Mbee wvun to yaw bwee bwoo wvù Loys bô bwoo wvù Yunis no κεηke, ε me ηkee se kemaηεn le è nu wvù wvù wo κεηke keseen. <sup>6</sup> Ε νεε fiεε fi me ηgomte keentamce wo le wo ekase ekamse yî nnya Nyo' yî nu yî yo le, efieè yî dvù le diεwε ηguy e. Nnya yin nu yî wo to κεηκεε seke me nto ηγεεε can yεm yî yo le. <sup>7</sup> Ε κεè le Nyo' to baa nya keyoy ê beene ε è nu kè egee ε beene κεηke nfan κε. Wvù to nya ε è nu keyoy ke mvunγay e bô ke κεηκοηεn e noo kè nulo ege é beene ekeè keekemsene bô bikuu bisεεbeene.

<sup>8</sup> Nonεn, fo wo ewuunenè keejemyi ê bonyii bomew εκυμε Tata wesebeene κενεε εκυμε me wvù lemte ncaw nje ye κε. Geenεn è jòδ tεn wo

**1:1** 1Tim 2:7

**1:2** 1Tim 1:2; 1Kol 4:17

**1:3** Fili 3:5; 1Tim 1:5

**1:5** Lem 16:1

**1:6** 1Tim 4:14, 5:22

**1:7** Lum 8:15

**1:8** 2:9;

Lum 1:16

ηγεω yî saaka wvù jee wvun e bô mvunḡay mvù Nyo' nya ê wo le. <sup>9</sup> Nyo' nu wvù to boysεε beene, tee beene le beene enu bonyii bô è nu bew. Kε wvù to ge fifin ε è nu nje lemme dimew di beene to γεε κε. Ε to nu nje kenseyse kew fô beene le, bô mbuwma we wvù wvù to buwεε beene dvù fele yî Klistu Jisos e ε è bεε naa lo ε won sε ke κεw. <sup>10</sup> Keseen nu ε bó ε dunḡε wase mbuwma wvudvu ê beene no Mboyse wesebeene wvù Klistu Jisos nu ε to wase. Wvù nu ε ηḡoy mvunḡay mvu kpwe le, ε dunḡε nshii wvù mεy lo endan, bô le κε wee bεε ke ebvuu ekpwe κε. Ε wvù ge mvù ε buy endan ε è nu bô saaka wvù jee. <sup>11</sup> Ε nu saaka wvù jee wvudvu wvun wvù Nyo' nu ε baa me le me enù wee nfewḡε bô waa ntum Klistu noo wee n'yεεyi wvudvu. <sup>12</sup> Ε nu nje fifin wvù me n'yεne ηγεω wvù me n'yεne wvun nεn. Geenεn κε me η'wuumene κε, njefo me ηkee wee wvù me nu ε nlese fitele yî ye le. Ε me ηkee lo sε kemaηεn le wvù nulo etaale κε fô fiεε fi me nu ε nya can ye le fin e, \* eḡεn buy diuu di fokemεse le. <sup>13</sup> Ε biì κε twεη n'yεεyi wvù è nu wvu leη wvù me nto n'yεεyεε wo dvù. No wo bii dvù nonεn eleesè κε fitele ε è nu yî Klistu le, κεηke κεηkoηεn fô bonyii le kè è nu ke Klistu Jisos e. <sup>14</sup> Ε jicì n'yεεyi wvu kecεεy e wvù bó to nyaε can yo le. Ε jicì bô mvunḡay mvu Keyoy ke Yuule le kè nu yî yese beene le.

<sup>15</sup> Wo kee lo le bonyii bocii bo ê keba kè Esia le to nu ε laη wase me. Ε ηḡoo yibole nu Figelus bô

---

**1:9** Efe 2:8-9; Tay 3:5    **1:10** Jon 1:14; Tay 3:6; 1Kol 15:20, 55, 57; Ibu 2:14-15    **1:11** 1Tim 2:7    \* **1:12** Kεnεε le, "... wvù nulo etaale κε fô fiεε fi wvù nu ε nya can ye fin e",    **1:13** 1:5; 1Tim 1:10  
**1:14** 1Tim 6:20    **1:15** 4:16

'Emogenes. <sup>16</sup> Me nleke le Tata ecam shen fô yew Onesifolus e. Wvú to ké no gee naa bokaŋ e bokaŋ e ε shém yem leetene. Wvú to baa wuumene me nje ncaw wvù me nu wvú le κε. <sup>17</sup> Ε nu seke wvú to fεεε Lum jan, wvú to nu ε loocε gom lo me ke ghan yen me le. <sup>18</sup> Me mbunlee le Tata ege é ke edioo enu diuu di fokemεse, é Tata ecam shen fô wvú le. Wo looci kee naa lemme dicii dì wvú to lemεε fô me le ê kelaante kè Efesus e.

## 2

### *No è nulo é Timatio ediuu yî fiεε fi Nyo' le*

<sup>1</sup> Timatio waa wεm, è dioo tu fô wo, è leemè κε temyi bô mvuŋgay mvù Klistu Jisos nu ε buw wo dvú. <sup>2</sup> Ε joò ten fiεε fi wo ké no yuuke ε me njemyi fwe dvu bonyii nteen leesè can bonyii bo leŋ e bô nulo ke eyεεyi ten bonyii bomew dvú. <sup>3</sup> Ε joò ten wo ηγεω diewe wee jem wvu leŋ wvù wvu Klistu Jisos e. <sup>4</sup> Κε wee jem ke dioo nu yî lemme diew e bvuu no leese ekole fô mwεεm mvu bonyii bo ncεw e κε, njefo fiεε fi wvú taale yî dvú le nu keegeε fiεε fi cee ekole we shieele. <sup>5</sup> Ε è nu κε leŋleŋ no κε wee wvù lewte kenlewtε nulo ke elewtε eso fiεε, se wvú lewte bii bonci bo kenlewtε le κε. <sup>6</sup> Wee wεε wvù lemte ten ntaŋ nu wvù keŋke keeyaw emom fiεε ηgoo mwεεm mvù wvú to jewyεε le. <sup>7</sup> Ε kpawci ekumε mwεεm mvù me njemyi mvun é Tata ege é wo ekiεε mvú mvunciim.

<sup>8</sup> Ε kumyî Jisos Klistu. Wvú to nu ε buy yî kpwe le. Wvú to nu wee wvu ê kfuu di Nfon Dawe le. Ε nu wvú wvù me nfewci ekumε wvú ê saaka wεm

wvù jee le. <sup>9</sup> Ε nu nje saaka wvù jee wvun wvù me n'ye ne ηγεω, nu yî boncaw e diεωε coon e. Geenεn, naa no me ncim nu yî boncaw e nonεn nu ε κε diεw Nyo' nu yî boncaw e κε. <sup>10</sup> No fí nu nonεn, me ε mum ε no ηkuule shém yî fiεε ficii le nje bonyii bò Nyo' nu ε caw, wvu λε bó tεn ke eκεηκε mboyma yî Klistu Jisos e bô bvukuke bvù mey lo. <sup>11</sup> Njeme wvun nu naa keceεy, wvù nu λε:

Ε beene nu ε taashε ε kpwe beene ε bó,

έ beene ke ecee tεn beene ε bó.

<sup>12</sup> Ε beene kuule shém,

έ beene ke esaake bvunfon beene ε bó.

Ε beene ma lo wvú,

έ wvú ke ema tεn beene.

<sup>13</sup> Ε beene nu σε beene leeme yî diεw yesebeene le,

έ wvú emεy κε leeme yî diεw ye le,

njefo κε ε nulo έ wvú etun εkolε kew κε.

### *Wee lemme wvù Nyo' nu ε bee*

<sup>14</sup> Tamce bó bô mwεεm mvun, ebvuu ejeme έ bó fwe dvu Nyo' λε bó elu bô mvunkeεn mvu εkume díεw. Ke mvú yaa fii wee κε. Mvú beete κε lo bô bonyii bò yeke mvú. <sup>15</sup> Ε momtè ntay keeduηci εkolε kuw έ Nyo' εjise diεωε wee wvù Nyo' ye ne λε ε nu wvu λεη e. Ε nù wee lemme wvù yaa κεηκε κε fiεε fi wvú ewuumene yî dvú le, noo wvù jici keceεy ke diεw Nyo' le έ je yi λεη e. <sup>16</sup> Ε wεmtè lo bonjeme bò yaa κεηκε κε fiεε keege bô Nyo', njefo bonjeme bodvu nu ege έ bonyii ecee κε ε ε nu nce wvù yaa nu κε wvù Nyo' gomte γεne dvú

---

**2:9** 1:8; Εφε 3:1; Fili 1:12-14    **2:10** Lum 5:2; 2Kol 1:24    **2:11**  
 Lum 6:8    **2:12** Mat 10:32-33; Lum 5:17    **2:13** Lum 3:3-4    **2:14**  
 1Tim 1:3-7; 6:4; Tay 3:9    **2:15** 1Tim 1:10    **2:16** 1Tim 1:4

fwe. <sup>17</sup> Bon'yεεyi bobole bodvu nen'yi no nu κε diεwε kenkokεn kε diee ye wee ghεεηke gene dvú le. Ngoo bonyii bò yεεyi n'yεεyi wvudvu wvun nu 'Imenayus bô Filitus. <sup>18</sup> Bó nu ε cine wase je keceεy e no bó leeme le mbuy wvu yî kpwe le nu ε jo wase bvudvuu. Ε dioo ge nonεn, ε befε bô mbee bonyii bomew. <sup>19</sup> Geenεn, kenffuy kè è lese Nyo' nu kè tεmyi, ε kí leeme κε fó. Kenffuy kin nu ε Nyo' ε san nciise we yî dvú le ε wvú nu le, “Tata kee bonyii bò è nu bew,” noo le, “Wee tfuu wvù bene diee di Tata le, κεηke keecinε gee di befε le.”

<sup>20</sup> Yew wee wvu baay ké dioo nu ε shúw bô ηkáa noo mvunkom mvù nu dvú saa nu κε mwεεm mvù bó kene bô ketwaa ke bigew e kè yεεle kenεε kè baa κε. Mvumew ké no nu ten mvù bó kene bô bite noo mvù bó kene bô mbom. Mwεεm mvun ké no nu ε mvumew nu mvù κεηke lemme di kuuke, ε mvumew nu mvù κεηke κε lo lemme di ncεw.

<sup>21</sup> Nonεn, é wee bvushii can ye fô mwεεm mvù κεηke κε lo lemme di ncεw e, tu wvú nu enu wase diεwε fiεε fi yew fi è nulo é bó ejoo gee lemme di kuuke dvú. Wvú nu enu wase wee wvù Nyo' nu ε ge le è nu wee wen. Ε wvú nu wase wee wvù cεyte lo cee εkolε we le wvú ejoo wen gee lemme diεw di jee dvú sekeci. <sup>22</sup> Nonεn, è lewtè lo fiuw nce nnyεn wvù keghan ké no κεηke le. Ε taalè fiuw ε è nu keecee nce wvu teyey bô keekeηke mbee noo kenkonεn bô nce wvu nyεkeey no bonyii bò teje ten diee di Tata le bô mvuntelem mvubole mvù yuule gee. <sup>23</sup> Fo wo ekeηkè naa lo fiεε keege bô bombew bo keyun e bo εcici κε, njefo bó ké no

**2:17** 1Tim 1:20      **2:19** Ktn 16:5; Jon 10:14      **2:20** Lum 9:21

**2:21** 3:17      **2:22** 1Tim 6:11      **2:23** 2:16

too ke ε è nu bô diwaa. <sup>24</sup> Ε wee lemme wvù wvu Tata yaa keηke keewaale bô bonyii ke. Wvù keηke keekeηke ε è nu fitele fi jee fô wee le tfuu, nù wee wvù kee keeyεyi bonyii, kee ten keekuu shém bô bonyii. <sup>25</sup> Wvù ké no nεci fiεε bô nyεkeey ê bonyii bô kicine wvù. Wvù ké no nεci nonεn bô ηkpwawce wvu le è nelo é Nyo' efi bó é bó ekumεn mvuntelem mvubole ekase ekee fiεε fi kecεey, <sup>26</sup> emum etee bvufee bvubole jim, elewtε ebuy ê ketam ke dεwle le kè wvù nu ε koo bó jó le bó egeε ε è nu fiεε fi wvù kooηke le.

### 3

<sup>1</sup> Ε keè le, è nu ke edioo enu ediuw yo fokemεse le, é mwεεm mvù tεmyi ekooyi baay. <sup>2</sup> Bonyii nu ke enε ekoonke ke wase ε è nu bikuu bibole, kooηke bigew, bensee ye, duηci ye, jemyi díεw yì befe ekumε bonyii bomew. Ke bó yaa nu ke ebvuu eyuuke bobwee bobole bô bo'icee bobole ke, yaa nyaa ke lo keyoone yî fiεε le, yaa keηke lo gee di yuule ke. <sup>3</sup> Ke bó nu ke ekeηke shen fô bonyii le ke, yaa leεshi ten bojay bo bonyii le ke. Bó nu ke ebeete bô εdiee ε bonyii, yaa nu ke lo é bó ejice ye yibole ke. Bó nu ke ekeηke gee di bεmte, yaa kooηke fiεε fi jee ke. <sup>4</sup> Bó nu ke ekuule mvunanη yî bonyii le, cee nce wvu ncεwncεw, nu ε bó ε yiηsen bô kencake ye. Bó nu ke ekoonke ke ε è nu keediee bikuu bibole εfey keekoηke ε è nu Nyo'. <sup>5</sup> Bó nu ke eduηci le bó leeme yî fiεε fi Nyo' le, geenεn bvuu tune mvuηgay mvu fiεε fi Nyo' le fidvu. Ε wεmte

---

**2:24** 1Tim 3:3; Tay 2:7-8      **2:25** 1Tim 2:4      **3:1** 1Tim 4:1; 2Bi 3:3; 1Jon 2:18; Jut 18      **3:2** Gal 5:19-21      **3:5** Mat 7:15, 21; Lum 2:19-20; Tay 1:16

lo kfuu boba bonyii. <sup>6</sup> Bonyii ban bomew nu bò ghane leyte yéw bonyii le soo bokene bò wεεyi bò bibefe nu ε yike wase bó, bó ε no jeenje bii ke wase ε è nu shiee mwεεm mvumew e. <sup>7</sup> Boban bokene nu bò ké no shee ke yeke n'yεεyi sekeci, geenεn yaa nulo ke eyuu ekiεε fiεε fi è nu fi keεεy ke. <sup>8</sup> No Janis bô Jambles to kicine Muses, nu ke leηληη no bonyii ban kicine keεεy ke Nyo' le. ε nu bonyii ε bvufee bvubole ε lemlem wase, ε fitele fi bó duu ε bó nu ε lese yî Klistu le nu mbiay. <sup>9</sup> Geenεn ke bó nu ke ege nonεn egeη ebuy ncejole ke, njefo keyuη kebole nu ke ebuy ke ten endan fô bonyii bocii le no ke Janis bô Jambles e to buyεε.

*ε Baul tefe Timatio le wvú eleeme ke yî fiεε fi bó yεεyεε wvú dvú le*

<sup>10</sup> Geenεn Timatio, wo kee wase ekumε n'yεεyi wεm bô nce wεm noo fiεε fi me nleke bvufee yî dvú le. Wo kee ten ekumε fitele fi me nlese yî Nyo' le bô shém yî me ηké no ηkuule, noo kenkonεn kè me ηkenke fô bonyii le, bô no me ηké no momte yî fiεε ficii le ηgene fwe. <sup>11</sup> Wo kee ten bikaa bì bonyii to bone ê me ejim noo bongew bem. Wo kee mwεεm mvù to kooyεε bô me Antiok bô Ikonium noo Lista. Wo kee kfuu bikaa bì bonyii to bone ê me ejim. Geenεn yî bongew ban e bocii nu ε Tata to boyse ke me. <sup>12</sup> Fí nu lo keεεy le wee tfuu wvù gomte kecee nce wvù Nyo' gomte diεwε wee wvù nu ε taashe wase bô Klistu Jisus nu ε bó nu ke ebone ke bikaa ê wvú ejim. <sup>13</sup> ε bonyii bò buwyi mwεεm bô bonyii

---

**3:6** Tay 1:11    **3:8** Ksm 7:11, 22; 8:3, 14; 1Tim 6:4-5    **3:10** Lum 16:24; 1Tim 1:5    **3:11** Lem 13:50; 14:5; 14:19; Mben 34:19; 2Kol 11:23-29    **3:12** Mat 16:24; Jon 15:20; Lem 14:22; 1Tεs 3:3

bo kenleema le, nu ε gee dibole nu ke efoo ke gene lo no bó leele bonyii bomew leele ten bikuu bibole. <sup>14</sup> Geenεn, fô wo le, ε leemè ke ε è nu yî fiεε fi bó nu ε yeεyi wo dvú wo ε bee fí le bô fitele fiuw ficii. Ε leemè yî dvú le njefo wo kee bonyii bô yeεyeε wo dvú. <sup>15</sup> Wo to keεw no kee mwεεm mvù bó saη ê Nwa' Nyo' le beε naa wan caan e. Mwεεm mvun nu mvù nulo etefe wo é wo ke ekeηke mboyma fele yî fitele fi wo lese yî Klistu Jisos e. <sup>16</sup> Fiεε ficii fi bó saη ê Nwa' Nyo' le nu ε bvufee bvudvu ne fô Nyo' le. Ε fí fici keeyeεyi bonyii dvú, duηci bojay, nεci bonyii, yeεyi bonyii bô nce wvu teytey, <sup>17</sup> wvu le wee wvù ε nu wee Nyo' enù ε wvú ε kpweηten, keηke fiεε ficii keegeε lemme di jee dicii dvú.

## 4

### *Ε Baul tefe Timatio le wvú egeε lemme diew ntay*

<sup>1</sup> Me njemyi fin ê wo fwe dvu Nyo' bô Klistu Jisos wvù nu ke esaw bonyii bô beε dvú bô bô kpweken wase. Ε me njemyi nje mbuynεn we wvù wvú nu ke ebuynεn noo nje bvunfon bwew ηgayte le, <sup>2</sup> è fewcì diew Nyo'. Ε fewcì ke gene dvú, keηεε è nu kefew ke leη keηεε è baa nu ke leη. Ε duηci bojay bo bonyii le, saakè bó, yvuwsè mvuntelem mvubole bô nyεkeey noo n'yeεyi wo. <sup>3</sup> Ε keε le kefew too lo kè bonyii yaa beε ke eleeme yî n'yeεyi wvu leη e ke. Bitem bibole nu ke efuu keeyuuke wase ε è nu fiεε fimew jεεy. Ε bó emum egom ε è nu bonyii bo n'yeεyi le bô nu eyεεyi wase ε è nu fiεε fi bó

---

**3:14** 2:2; 1Tim 1:10    **3:15** Jon 5:39; Lum 15:4; 1Tim 4:13; 2Bi 1:21    **3:17** 2:21    **4:1** Lem 10:42; 2Kol 5:10; 1Bi 4:5    **4:2** Lem 20:20, 31; Tay 1:13    **4:3** 1Tim 1:10; 4:1

koonjke keeyuuke. <sup>4</sup> Bó nu ke ecine keeyuuke fiεε fi kecεεy e, ebvuyte wase gene ε è nu ê mvumanjgaan e. <sup>5</sup> Geenεn, fô wo le, ε lewsè εkolε kuw teytey sekecii, kuulè shém yî bonjεw e, egeè lemme di wee wvù ghane lo fewci diεw Nyo' le. ε geè lemme diuw dicii ntay.

<sup>6</sup> Fô me le nu ε me nu wase keseen diεwε mbvuum e, ε kefew kocine wase kè bó nu ejo me ege dvú diεwε no bó ke fuu mbvuum yî ketanj ke ncese le. Kefew kè me nu enjfulε nu ε kocεn wase. <sup>7</sup> Me nu ε ndiu wase bvudiuw bvù jee yî fiεε fi Nyo' le, ε nlewte kenlewte ε mεse, ε njice mbee wεm e ε mεy yî dvú le. <sup>8</sup> ε kεw yî keseen e nu ε bó ε gee wase kefo kem ke bvunfon e kè è nu ke nce wvu teytey e. Kefo kin nu kè Tata wvù nu wee wvù saake bonsaw teytey nu ke ebon ê me εfa yî diuu di fokemεse le. Kε wvú nu ke ebon kε ε è nu kem maanj kε. Wvú nu ke ebon tεn ke bonyii bocii bò koonjke le wvú ekase eto le.

*ε Baul see no mwεεm nu ê keba kew e*

<sup>9</sup> Timatio, momε naa ntay keeyanjεn eto cekey ê me le. <sup>10</sup> ε keè le Demas nu ε konj wase wonj wvu keseen wvun, ε lanj me ε gen Tesalonika. Klesεns nu ε gen Galεshia, Taytus ε gen Dalmatia. <sup>11</sup> ε mεy kε Luk wvú embenj wvù nu bee wvú. Seke wo too, jo Mak ε ben ε wvú no too. Wvú nulo efici me baay yî lemme le. <sup>12</sup> Tikikus nu ε me ε ntum wvú Efesus. <sup>13</sup> Seke wo too, jo kekum kem ke baay kè me nto njεkεε yew dvu Kabus ê kelaante kè Towas e. ε

---

**4:4** 1Tim 1:4    **4:6** Fili 2:17; 2Bi 1:14    **4:7** 1Kol 9:24-25; Fili 3:12-14; 1Tim 1:18    **4:10** Fili 2:21; Kolo 4:14; Flm 24; 1Jon 2:15; 2Kol 2:13    **4:11** Kolo 4:14; Kolo 4:10    **4:12** Kolo 4:7-8    **4:13** Lem 20:6

toò τεν bô bonwa' bem, efey mvunciim bô bó fε bô jéw nyam. <sup>14</sup> Aleksanda wvú tfuyte εlamε nu ε ge ηγεw bô me ε è yaa nu wvu wεε ke. Tata nu ke elaw wvú yî gee diew e. <sup>15</sup> Ε yεnè τεν ben ε wvú. Wvú kicine saaka wvù beene fewci naa lo baay. <sup>16</sup> Yî nsaw wεm e nu ε diuu di fwe dì me nto nleemεε ê kebεη ke nsaw e nu ε wee to baa leem lo ê me εjim ke. Bonyii bocii to nu ε lewte me. Fo Nyo' esaw bó yî fifiε le ke. <sup>17</sup> Geenεn, Tata to nu ε leem ê me εjim, nya me bô mvunγay keenfewcε saaka wvù jee ntay wvu le bonyii bô yaa nu ke Bojuu eyuw saaka wvudvu. Nonεn wvú to nu ε bvuse me diuw bvule le. <sup>18</sup> Tata nu ke ebvuse ke me can fiεε fi befe le ficii, ke eghan elese me bvunfon bwew bvu fowe le yî nyεkeey e. Beene etumtè monkum mew sekecii se ηka. Fí enù nonεn.

### *Bonγayma*

<sup>19</sup> Gayε Blisilia bô Akpwila le enya ê me. Gayε τεν yew Onesifolus e. <sup>20</sup> Elastus to nu ε shεε Kolεn, ε Toofimus nu ε me nto ncinε wvú le Miletus ε wvú cεmte. <sup>21</sup> Momε naa ntay keeto é kefew ke nffum wvù temyi le se kew. Yubulus ciinse ηγayma ê wo. Budens bô Linus noo Klawdia bô boom bo bwee wesebeene le bocii yî Klistu le ciinse τεν ηγayma. <sup>22</sup> Me nleke le Tata etaalè fô keyoy kuw e. Wvú ebuw ben bocii.

---

**4:14** Mat 16:27; 1Tim 1:20      **4:16** 1:15      **4:17** Dan 6:20;  
 Mben 22:21; Lem 1:8; 23:11      **4:18** 2Kol 1:10; Fili 1:19-20      **4:19**  
 Lem 18:2; 2Tim 1:16-17      **4:20** Lem 19:22; Lum 16:23; Lem 21:29  
**4:22** Gal 6:18

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 21 Feb 2024 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e